

Gobierno lo a para proyecto pa evita destinacion robez

PROYECTO ARUBIANO DI 11 AÑA BENDI CU EXTRANHERONAN!

ORANJESTAD(AAN)— E inquietud encuanto expansion di e cantidad di proyectonnan extranhero, cu ta worde realiza na Aruba, ta keda expresa continuamente. Sinembargo, mas y mas ta sali na cla tambe cu ta un grupo na Aruba mes ta duna muestra cu nan no ta conciente con nan accionnan ta pone comercio den man di extranheronan. Mientras sumanan grandi ta worde cobra, edificionan y otro propiedadnan ta pasa den man di extranhero. E caso di

Gobierno a pone suma di 4 Mijon disponibel pa drecha y instala luznan di caya den diferente barrio

ORANJESTAD(AAN) — Iluminacion di cayanan den oranan di anochi, tambe ta hayando atencion den e Plan di Barrio di Gobierno, y pa esaki a pone un suma di 4 mijon florin disponibel, pa drecha of instala luznan di caya nobo den diferente barrio. Pues fuera di e proyecto pa construccion y reparacion di careteranan den tur barrio rond Aruba, cu ta costa un suma di alrededor di 33 mijon florin, Gobierno lo inverti tambe e suma di 4 mijon florin pa drecha of instala luznan di caya.

Ta un necesidad grandi pa cayanan den barionan ta ilumina, no solamente pa yuda combati criminalidad, pero e ta duna tur hende den e barrio un sentido di seguridad. Hunto cu demas instancianan concerni y tambe cu e compania di NV Elmar, lo traha un plan pa ehecucion di e cambio y instalacion di e luznan aki.

E cayanan cu mas urgencia tin mester di luznan di caya, lo bin na remarke promer y ta intencion pa den tur barrio esaki tuma lugar.

Un inventario lo ser haci mientras cu lo mira tambe e cayanan cu ta bay asfalta den e proyecto di careteranan pa mira cual e ta cayanan cu ta bin na remarke promer cu e otro, pa haya instalacion di luznan di trafico nobo.

E proyecto aki tambe ta forma parti di e ehecucion di e parti final di Plan di Barrio, cual ta e programa di gubernacion di e actual Gobierno.

e construccion di waf a trece informacionnan relevante dilanti.

Con por ta cu un grupo extranhero a haya permiso pa bay construi un proyecto ariba waf, na un sitio cu por worde clasifica como porta di Aruba? Es mas, con por ta posible cu nan a haya derecho di erfpacht nan un sitio estrategico?

Basa ariba informenan cu DIARIO a publica den e edicion di Diasabra, a continua cu copilacion di datos y e resultado a sorprende.

Informacionnan ta revela cu na 1986, ora Aruba mester a recupera economicamente, tur comerciante di Aruba a worde acerca pa inverti den proyectonnan. Asina varios proyecto di Arubianonan a worde realiza, mientras nan por a conta cu e sosten di Gobierno cu a otorga caminda tabata necesario e asina yama erfpacht, cu ta significa cu un persona ta haya e derecho di usa tereno di Gobierno pa un tempo largo cu e destinacion pa cual

e concesion a worde otorga.

Uno di e proyectonnan cu tabata tin na vista, tabata e realizacion di un Marina, un puerto pa yatenan por a mara. Acopla na esaki, mester a bini un proyecto di edificionan, cu tabata encera construccion di viviendanan, tipo condominium. Naturalmente e proyecto lo a conta cu facilidadnan di restaurant y algun tiendecita, por ehempel. Pero nan mester a sirbi e facilidadnan di e proyecto total y no bira un proyecto di venta.

For di 1986 e proyecto no a worde realiza. Lo tabata tin otro gruponan Arubano interesa den e realizacion, pero e asunto a pasa pa largo plazo.

Pa basta tempo tabata tin rumor ta circula cu gruponan di comerciantenan extranhero lo tabata tin interes pa e sitio aki. E sorpresa grandi a bini ora a resulta cu e Grupo Arubano a bende nan derecho di erfpacht y e proyecto na un grupo extranhero pa un suma fuera di tur

proporcion normal. Miyones a acompaña e venta di derechonnan di erfpacht, loke ariba su mes ta un transaccion insolito, manera informantenan experto ariba valor di tereno y propiedad a mustra.

E suma cu a acompaña venta di e derecho di erfpacht a habri porta pa cuestionamento serio di mal uso di derecho di erfpacht, pasobra ta terenonan cu no ta propiedad priva, ta worde entrega na extranheronan pa nan por ehecuta proyectonnan. Loke tambe tin hopi hende preocupa ta e hecho cu e loke lo por saca for di e proyecto aki, si e worde construi segun su concepto original, no ta hustifica e suma cu a worde paga pa haya e derecho.

Ora siman pasa, esnan cu a cumpri e derecho di erfpacht, a cuminsa cera e espacio, cu tambe tabata worde usa pa estacionamento y ademas ta haci transito di pasaheronan di barconan di turista y di trafico dificil, Gobierno a dicidi cu mester a cay den e asunto.

E actividadnan a worde paraliza pa asina mira si en berdad lo bay cumpli cu e exigencianan di loke e destinacion di e tereno ta bisa. E permisionan a worde revisa mescos cu e plannan.

E grupo extranhero ta adverti cu e no por duna otro destinacion na e sitio, pero den practica por hunga cu e concepto. Tin pensamiento cu pa motibo cu otro gruponan di Arubiano a bende nan propiedad den e vecindario cu extranheronan, cu a construi diferente tipo di negoshi, esnan tras di e proyecto por realiza manio-branan cu ta haci cu no ta vivienda tipo condominium ta bini na prome lugar, pero negoshinan chikito den cuadro di e posibilidad di tiendecitanan.

Di 1986 pa awor e sitio a sufri basta cambio y entre otro tin establecimiento nocturno ta rondone. E asunto a parce di por bira hasta un problema legal y lo tin abogado ta traha ariba e caso.

CAMBIO PA MIHOR!!

